

II - ARABAKO LURRALDE HISTORIKOAREN TOKI ADMINISTRAZIOA

GAUBEAKO UDALA

Kultura, kirol eta gizarte arloko dirulaguntzen deialdia

Korporazio honek 2020ko irailaren 25ean balio osoz egindako osoko bilkuran, Gaubeako udalerriko kultura kirol eta gizarte arloko dirulaguntzetarako deialdia eta haien oinarri arautzaileak onartu ziren. Gai honen gainean hartutako erabakia betez, ALHAOn argitaratzen dira aipatutako oinarriak, objektibotasun, lehia eta publizitate printzipioak bermatzeko.

Gaubea, 2020ko urriaren 22a

Alkate-lehendakaria

JUAN CARLOS RAMÍREZ-ESCUDERO ISUSI

Kultura, kirol eta gizarte arloko dirulaguntzen emakida arautzen duten oinarriak 2020ko deialdia

Lehenengoa. Xedea

Deialdi honen helburua da arautzea Gaubean 2020an kirol, kultura eta kirol arloko jarduerak antolatu, garatzeko eta gauzatzeko dirulaguntzak. Udalak arlo horietan egiten dituen jardueren osagarri edo ordezkioak direnei eta udalerrientzat interesgarriak direnei emango zaizkie dirulaguntza horiek.

Emandako laguntzak erakunde onuradunaren jarduerak finantzatzeko izango dira. Horiek horrela, 2020an aurreikusitako jarduera guztiak jasoko ditu aurkeztutako aurrekontuak.

Bigarrena. Onuradunak

Elkarte eta erakunde pribatuak, baldin eta irabazteko xederik gabe eratu badira; kirol, kultura edo gizarte jarduerak egiten badituzte; Gaubean badute egoitza, edo jarduera bertan garatzen badute; legez eratu badira, eta Eusko Jaurlaritzaren Elkarte eta Erakundeen Erregistroan errol-datuta badaude.

Oinarri hauetan araututako dirulaguntzak eman eta, hala badagokio, ordaintzeko, eskaera egitean abian den itzulketa edo zehapen prozedura orok bukatuta egon beharko du, baldin eta laguntza edo dirulaguntza bertsuak direla-eta abiarazi baditu prozedurok Gaubeako Udalak.

Hirugarrena. Onuradunek dirulaguntza edo laguntza lortzeko bete beharreko baldintzak eta horiek betetzen direla egiaztatzeko era

Ezinbestekoa izango da eskaera eta oinarri hauetan eskatutako gainerako agiriak adierazten den eran eta epean aurkeztea.

Laugarrena. Diruz lagundu daitezkeen programak eta jarduerak

Epigrafe hauetako programa eta jarduerak jaso dezakete dirulaguntza:

4.1. Kultura programak eta jarduerak, hezkuntzakoak, aisialdiko prestakuntzakoak, kirol eta jolasekoak (herritar guztientzako diren eta kirola erregularitasunez egitea sustatzen duten lehiarik gabeko jarduerak, txapelketa tradizionalak, lehiadun jarduera irekiak eta abar), talde babesgabeek edo gizartetik kanpo garatzeko arriskuan daudenean parte hartzea bultzatu edo bermatuko duten programak eta ekintzak.

4.2. Aste edo jardunaldi tematikoak (mintzaldiak, hitzaldiak...).

4.3. Gaubeako gizarte eta kultura tradizionalari erantzungo dioten programa eta jarduerak.

4.4. Lehen aipatutako jarduerak hartzen dituzten lokalen mantentze gastuak (argia, gasolioa...).

Honako hauek ez dira diruz lagunduko:

a) Gaubeako Udalak eskainitakoekin batera egiten diren kultura, kirol edo gizarte proiektuak, salbu eta udalak eskainitako osagarriak badira. Horako hori kasuan kasuko batzordeak erabakiko du.

b) Udalak beste aurrekontu batzuen kontura egindako diru ekarpenak jaso dituzten jarduerak.

c) Ondasun higigarriak eta higiezinak erosi, konpondu eta zaharberritzeko gastuak.

Bosgarrena. Agiriak

Deialdi honetan araututako laguntzak lortu nahi dituzten elkarte edo erakundeek ondoko agiriak aurkeztu behar dituzte:

– Dirulaguntza eskaera, oinarri hauei erantsirik doan I eranskinaren arabera egindakoa.

– Eskaera sinatzen duenaren NANaren fotokopia, elkartearen ordezkari den aldetik, eta elkartearen IFK.

– Elkarte edo erakundearen estatutuen fotokopia eta Elkarte eta Erakundearen Erregistroan legez eraturik eta erregistraturik dagoela egiaztatzen duten agiriak. Elkarte edo erakundearen baten lehendik aurkeztuta baditu, ez ditu berriro eman behar, salbu eta aurkezpen dataz geroztik aldaketaren bat egin badu.

– 2020an egin beharreko jardueren programa; Honako hauek azaldu behar dira banan-banan:

a) Jardueren eta berorien hartzaileen deskribzioa.

b) Gauzatze egutegia.

c) Jarduerak eragindako gastu eta diru sarreren aurrekontu xehatua; beste administrazio batzuei eskatutako dirulaguntzak; elkarte edo erakundearen ekarpena; Gaubeako Udalarari eskatutako zenbatekoa, eta bestelako diru sarrerak.

– Zerga zorrik ez duela eta Gizarte Segurantzaren ordainketetan egunean dagoela adierazten duen ziurtagiria.

– Dirulaguntzak itzultzeko betebeharren ordainketan egunean dagoela adierazten duen ziurtagiria.

– Zinpeko aitorpena, Dirulaguntzen azaroaren 17ko 38/2003 Lege Orokorrak 13. artikuluko 2. eta 3. apartatuetan jasotzen dituen onuradun izateko debekuen eraginpean ez egotearena, elkarte edo erakundearen arduradunak sinatua (II. eranskina).

Gaubeako Udalak datu eta azalpenak eskatu ahal izango ditu aurkeztutako agirien inguruan, deialdiaren gaineko ebazpena hartu ahal izateko.

Seigarrena. Aurkeztutako agirietan egindako akatsen zuzenketa

Dirulaguntza eskaerak ez badira aurkezten behar bezala beteta eta oinarri hauetan eskatutako agiri guztiak eta osagarriak dituztela, erakunde eskatzaileari errekerimendua egingo zaio hutsak zuzen ditzan edo falta diren aginduzko agiriak aurkez ditzan gehienez 10 eguneko epe ezin luzatuzkoan; hala egin ezean, eskaeran atzera egin duela esan nahiko du, horretarako ebazpena eman ondoren, hala xedatzen baitu Administrazio Publikoaren Administrazio Prozedura Erkidearen urriaren 1eko 39/2015 Legeak 21. artikuluan, 68.aren lotuta.

Zazpigarrena. Eskaerak aurkezteko epea eta tokia

Eskabideak eta bosgarren oinarrian aipatzen diren agiriak aurkezteko azaroaren 30era arteko epea egongo da, egun hori barne.

Salbuespen gisa, xedatutako epetik kanpo aurkeztutako eskaerei dirulaguntzak eman ahal izango zaizkie, baldin eta horretarako dirurik badago, eta Gaubeako Udalaren helburu publikoetarako interesekoak badira.

Agiri guztiak Gaubeako Udalaren erregistro orokorrean aurkeztu behar dira (Jesus Ginea arkitektoaren kalea, 46. 01426, Uribarri Gaubea), edo Administrazio Publikoen Administrazio Prozedura Erkidearen urriaren 1eko 39/2015 Legeak 16.4 artikuluan xedatutako eran.

Dirulaguntza hauek jasotzeko eskabideak aurkezteak berekin dakar oinarri hauetan ezarritakoa formalki eta espresuki onartzea.

Dirulaguntza hauek ezin izango dituzte eskuratu Dirulaguntzen azaroaren 17ko 38/2003 Lege Orokorrak IV. tituluan aipatzen dituen arau hausteengatik zigorrik izan dutenek.

Zortzigarrena. Dirulaguntza emateko prozedura eta irizpideak

Informazio Batzorde Orokorrek proposatuta, lehiaketa bidez emango ditu dirulaguntzak alkate-lehendakariak. Batzordeak, proposamen hori egiteko, egoki irizten dituen aholku teknikoak eskatu ahal izango ditu.

Informazio Batzordeak ezin du proposatu, inola ere, oinarri arautzaileetan ezarritakoa urratzen duen dirulaguntzarik emateko.

Jarduerak aurrera eramateko elkarte edo erakundeek izan dezaketen defizitaren zati bat estaltzeko izango dira Gaubeako Udalak emango dituen dirulaguntzak, udalaren ustez dirulaguntza jasotzeko modukoak ez diren gastuen aurrekontua xahutu ondoren.

Irizpide hauek kontuan hartuta banatuko da urteko diru esleipen erabilgarria:

- Proiektuaren hedadura maila (jardueren zerrendak onura ekarriko dien pertsonen kopurua): 10 puntu emango dira, gehienez.
- Proiektuaren originaltasuna eta berritasuna: 10 puntu emango dira, gehienez.
- Jarduerak udalerraren errealitateari egokitzen zaizkion: 10 puntu emango dira, gehienez.
- Entitate eskatzaileak bere jarduera eremuan erakutsi duen jarraitzeko gaitasuna eta egonkortasuna: 10 puntu emango dira, gehienez.
- Autofinantzaketa maila: 5 puntu emango dira, gehienez.
- Beste erakunde pribatu batzuen diru ekarpena: 5 puntu emango dira, gehienez.

Bederatzigarrena. Laguntzen muga orokorrak.

1. Esleitutako zuzkidura gainditzen bada, deialdi honetan araututako laguntzak ezetsi edo mugatu egin ahal izango dira.

2. Eskaera guztiek udal aurrekontuan xedatutako diru partida baino gehiago egiten badute, diru partida hori Informazio Batzordeak banatuko du berak zehaztutako moduan, 8. oinarrian xedatutako irizpideen arabera.

Hamargarrena. Dirulaguntzaren zenbatekoa onuradun bakoitzeko

Onuradun bakoitzari eman dakioken dirulaguntzaren gehieneko zenbatekoa diruz lagundu daitekeen aurrekontuaren ehuneko 50 izango da, baina udalaren ustetan garrantzi berazia duen ekimena izanez gero, ehuneko 100era handitu daiteke, inoiz ere 500,00 euro baino gehiago izan ezinik, aurkezten diren jardueren bolumena edozein dela ere.

Hamaikagarrena. Bateragarritasuna beste dirulaguntza edo laguntza batzuekin

Deialdi honetan ezartzen diren dirulaguntzak bateragarriak dira beste edozein erakunde publikok edo pribatuk helburu berarekin eman ditzakeen beste dirulaguntza batzuekin, baldin eta horrek ez badu gehiegizko finantzaketarik sortzen. Halakorik gertatuz gero, hau da, jasotako laguntzen edo dirulaguntzen guztizko batura jarduerarako onesten den aurrekontua baino gehiago bada, gaindikina kenduko zaio dirulaguntzaren zenbatekoari.

Oinarri hauetan jasotako dirulaguntzen zenbatekoa ezingo da izan, inolaz ere, bakarrik zein beste batzuekin batera, erakunde onuradunak antolatutako ekitaldien programarako aurreikusitako kostua baino gehiago.

Hamabigarrena. Dirulaguntza emateko epea eta ebazpenik ezaren ondorioak

Ebazpena emateko epea hilabetekoa izango da, eskaerak aurkezteko epea bukatzen denetik aurrera. Ebazpena epe horretan ematen eta jakinarazten ez bada, eskaera ezetsizat jo beharko da.

Hamahirugarrena. Dirulaguntza justifikatzeko epearen amaiera

Diruz lagundutako jarduera edo jardueren programa garatzeko izandako gastuak justifikatzeko agiriak aurkezteko epea 2020ko urtarrilaren 31n amaituko da.

Hamalagarrena. Onuradunak dirulaguntzaren helburua bete duela eta dirua zertarako erabili duen justifikatzeko era

Dirulaguntzaren erakunde onuradunek honelaxe justifikatu beharko dute, legezko epean, emandako zenbatekoa:

– Diruz lagundutako jarduerak eragindako gastuak justifikatuko dituzte; gastuok behar bezala zerrendatuta jasoko dira, eta eskaerarekin batera aurkeztutako hasierako gastu aurrekontuaren zenbateko osoaren adinakoak izan behar dute. Horretarako, fakturak edota jatorrizko ordainagiriak edo kopia konpultsatua aurkeztu behar dira.

Gastuak justifikatzeko ez da onartuko honako datu hauek argi eta garbi azaltzen ez dituen fakturarik ez ordainagiririk:

- Emaila, bere izena edo sozietatearen izena, eta NAN edo IFZ.
- Hartzailea, bere izena edo sozietatearen izena eta NAN edo IFZ.
- Gastuaren xedea.
- Data.

Gastuen aurrekontu osoa justifikatzen ez bada, dirulaguntza murriztu egingo da, gastu burutu txikienaren neurri berean.

- Diruz lagundutako jardueraren diru sarreraren eta gastuen balantzea.
- Diruz lagundutako jardueren azalpen memoria, emaitzaren balorazioa (datak, lekuak, iraunaldia, eta onuradun kopurua) adierazita.
- Zinpeko aitortpena, organismo publiko edo pribaturen batek xede bererako dirulaguntza edo laguntzarik eman izanari buruz, III. edo IV. eranskinean jasotzen denaren arabera.

Dirulaguntzaren onuradunek ez dute zertan berriro aurkeztu eskaerarekin batera aurkeztutako agiriak.

Hamabosgarrena. Dirulaguntza ordaintzea

Gastuak justifikatu ondoren, eta, hala badagokio, ebazpen honetan ezarritako baldintzak bete ondoren ordainduko da dirulaguntza, banku transferentzia eginda erakundeak eskaera orrian emandako kontu zenbakian.

Hamaseigarrena. Emandako dirulaguntzaren aurrerakinak egiteko aukera, horretarako modua eta onuradunek aurkeztu beharreko bermeak

Ez dago aukerarik emandako dirulaguntzaren aurrerakinak egiteko.

Hamazazpigarrena. Dirulaguntza emateko ebazpena aldatzea ekar dezaketen egoerak

Onartutako dirulaguntza berriro aztertuko da, gastua finantzatzeko beste erakunde batzuek egindako ekarpen osagarriak edo beste diru sarrera batzuk ere erabili direla jakin ondoren. Horrelakoetan, diruz lagundutako gastuen eta diru sarreraren arteko likidazioa egin eta hortik ateratzen den emaitza defizitariora izango da dirulaguntzaren behin betiko zenbatekoa.

Dirulaguntza emateko kontuan hartu diren baldintzak aldatzen badira eta, nolahi ere, edozein erakunde publiko edo pribatuk gauza bererako emandako dirulaguntzak edo laguntzak lortzen badira, dirulaguntza emateko ebazpena aldatu egingo da.

Behin dirulaguntza onartu eta gero, dirulaguntza emateko oinarri hartu ziren benetako egoerek dirulaguntza hori aldatu beharra badakarte, Informazio Batzordeak arrazoitu eta hala proposatuta, dirulaguntza alda dezake alkate-lehendakariak, dagokion ebazpenaren bidez.

Hemezortzigarrena. Dirulaguntza itzultzea

1. Onuradunak jasotako dirulaguntza osoa edo zati bat itzuli beharko du honako egoera hauek ematen direnean: dirulaguntza eman eta eskatu zen helburu bereziko ez erabiltzea, dirulaguntzaren arrazoi izan zen jarduketa ez gauzatzea, adierazi ziren helburu berezietarako aplikazioa ez justifikatzea, edo, oro har, oinarri hauetan edo dirulaguntza onartzeko ebazpenean ezarritako betebeharrak ez betetzea. Hala gertatzen denean, onuradunak onartu zaion eta jaso duen zenbatekoa itzuli beharko du, bai eta dirulaguntzaren ordainketa egin zenetik aplikagarri diren legezko interesak ere.

2. Dirulaguntzaren zenbatekoa, bai bere aldetik, bai beste batzuekin batera, diruz lagundutako jarduerak egiten duena baino gehiago bada, baliogabetu egingo da eta, hala dagokionean, soberakina itzuli egingo da.

Hemeretzigarrena. Dirua itzultzeko prozedura

Dirulaguntzaren baliogabetze eta itzultze prozedura izapidetzean, onuradunaren eskubidea bermatuko da entzuna izateko eta, egoki jotzen dituen alegazioak aurkeztuz, bere jarduna aldezteko.

Hogeigarrena. Erakunde onuradunen betebeharrak

Oinarri hauek arauturiko dirulaguntzen erakunde eta elkarte onuradunek honako betebeharrak bete behar dituzte beti:

– Emandako dirulaguntza onartzea. Dirulaguntza emateko ebazpenaren jakinarazpena jaso eta hamar egunetan onuradunak dirulaguntzari berariaz eta idatziz uko egiten ez badio, onartu duela esan nahiko du.

– Dirulaguntza zertarako eman den, horrexetarako erabiltzea.

– Programa edota jarduera egitearen erantzukizunak beregain hartzea, eta hura garatzeko indarrean dagoen legediak eskatzen dituen baimenak eskatzea.

– Gaubeako Udalaren Kontuhartzaitzari egiaztatze edo finantza kontroleko jarduerak egiten uztea.

– Helburu bererako beste dirulaguntzarik edo laguntzarik jaso bada, Gaubeako Udalarik jakinaraztea.

– Jarduera egin dela egiaztatzea Gaubeako Udalarik, bai eta dirulaguntza ematean ezarritako betebeharrak eta baldintzak betetzen direla ere.

- Programaren balantze ekonomikoa ematea.
- Dirulaguntza xede den programan edozein aldaketa egin nahi bada, idatziz jakinaraztea, aldaketa horiek egiteko Gaubeako Udalaren onarpen adierazia behar baita.
- Udalari diruz lagundu duen proiektuaren jarraipena egiteko eskatzen dituen agiriak ematea eta emandako dirulaguntzaren inguruko eskakizun orori erantzutea.
- Gaubeako Udaleko Kontuhartzaitzak, Herri Kontuen Euskal Epaitegiak edo beste organo eskudun batzuek eskatutako informazio guztia ematea.
- Dirulaguntzen Azaroaren 17ko 38/2003 Lege Orokorra eta Dirulaguntzen Udal Ordenantzak ezarritako betebeharrak.

Hogeita batgarrena. Dirulaguntzarako kreditua

Dirulaguntza hauek emateko, 4.500 euro erabiliko dira guztira, Gaubeako Udalaren 2019ko ekitaldirako 337.481.000 partidatik (Irabazteko xederik gabeko erakundeen jarduerak).

Hogeita bigarrena. Informazioa eta aholkularitza

Gaubeako Udalak informazioa, laguntza, argibideak eta aholkuak emango dizkie deialdi honen barruan dirulaguntza eskaera aurkezten duten erakunde eta elkarteei, halaxe eskatzen badute.

Hogeita hirugarrena. Errekurtsoak

Honako deialdi honen aurka zein honen ondorioz sortutako administrazio egintza ororen aurka egin dezakete interesdunek, Administrazio publikoen administrazio prozedura erkidearen Legeak ezarritako kasuetan eta eran.

Hogeita laugarrena. Azken klausula

Oinarri hauetan aurreikusi ez den edozertarako, hauek xedatutakoa beteko da: Gaubeako Udalaren dirulaguntzak arautzen dituen ordenantza orokorra (2006ko urtarrilaren 27ko ALHAO, 11. zk.); azaroaren 17ko 38/2003 Legea, dirulaguntzen orokorra; uztailaren 21eko 887/2006 Errege Dekretua, onartzen duena azaroaren 17ko 38/2003 Legearen Araudia; urriaren 1eko 39/2015 Legea, herri administrazioen administrazio prozedura erkidearena, eta aplikagarri diren gainerako arauak.

Oinarri hauek interpretatzean zalantzarik sortzen bada, Gaubeako Udalak ebatziko du.

I. eranskina

Gizarte, kirol eta kultur arloko jarduerak burutzeko dirulaguntza eskaera 2020. urtea
 jaunak/andreak, NAN zenbakia
 duenak eta herriko kalean bizi denak
 (posta kodea:; telefonoa:),
 erakunde edo elkartearen moduan
 (egoitza:; telefonoa:; faxa:; email:)

Adierazten du

Gaubeako udalerrian 2020an kultura, kirol eta gizarte arloko jarduerak burutzeko dirulagun-
 tzen deialdiaren eta bertan adierazitako oinarrien berri izan duela; beraz, honako hau

Eskatzen du

Lehenengoa. Gastu hauek ordaintzeko, euroko dirulaguntza
 eman dakiola. Hona gastuak:

Jardueraren izena	Aurrekontua	Zenbateko eskatua
.....
.....
.....
.....

Eskatzen den dirulaguntza, guztira,

Horretarako, deialdiaren 5. oinarrian adierazitako agiri guztiak aurkezten ditu, baita horiek
 egia direla ziurtatu ere.

Bigarrena. Dirulaguntza emanaz gero, ordezkatzeko dudako erakundearen kontu zenbaki ho-
 netan sartzea:

Erakundea:

Kontu korrante edo libreta zenbakia

Titularra:

NANa:

....., 2020koaren(a).

(Hala badagokio, erakunde eskatzailearen sinadura eta zigilua):

Gaubeako Udaleko alkate-lehendakariari.

II. eranskina

Zinpeko aitortpena

..... jaunak/andreak, (r) en ordezkartizan,

Zinpean hau aitortzen du:

Ordezkatzen duen erakundea/elkartea ez dagoela Dirulaguntzen azaroaren 17ko 38/2003 Lege Orokorraren 13. artikuluko 2 eta 3. apartatuetan ezarritako egoeretako batean ere; hori adierazten du 2017an kultura, kirol eta gizarte arloko jarduerak burutzeko Gaubeako Udalak egindako dirulaguntza deialdiari begira.

Eta behar den tokian hala ager dadin sinatzen du.

....., 2020koaren(a).

(Hala badagokio, erakunde eskatzailearen sinadura eta zigilua):

III. eranskina

(Beste laguntzarik jaso ezean)

..... jaunak/andreak,(r) en ordezkartizan,

Zinpean hau aitortzen du:

Ordezkatzen duen erakundeak/elkartek ez duela dirulaguntzarik edo laguntzarik jaso inolako erakunde publiko edo pribaturengandik, Gaubeako Udalak egindako deialdiaren barruan dirulaguntza eskatzen duen programako jardueretako bat ere finantzatzeko. Deialdi hori 2020koaren(e) ko ALHAOn (..... zenbakia) eman zen argitara.

....., 2020koaren(a).

(Hala badagokio, erakunde eskatzailearen sinadura eta zigilua):

IV. eranskina

(Beste laguntzarik jaso bada)

..... jaunak/andreak,(r) en ordezkartizan,

Zinpean hau aitortzen du:

Ordezkatzen duen erakundeak/elkartek euroko laguntza jaso duela(r) engandik (adierazi zein erakunde edo organismo den), Gaubeako Udalak egindako deialdira bildutako ondorengo jarduera finantzatzeko. Aipatutako deialdia 2020koaren(e) ko ALHAOn (..... zenbakia) eman zen argitara.

Diruz lagundutako jarduera:

.....

....., 2020koaren(a).

(Hala badagokio, erakunde eskatzailearen sinadura eta zigilua):